

Ginhsiu: Banh “Ciet Goengdaek” Angqhoh Fungsou

金秀：举办“功德节”庆丰收

10 nyied 5 hauh, Ginhsiu Yauzcuz Swciyen hoengghwd gawjhengz Cung-guek Ginhsiu Cazanhyauz “ciet goengdaek” baenzdauq hozdung. Mbat hozdung neix dwg youz Ginhsiu Cazanhyauz Minzcuz Hwngfat Hezvei yiendaeuz guh, vunzlai gaghaengj camgya aen hozdung vwnzva minzsuz ndawbiengz neix.

Hozdung ngoenz haenx, 17 aen cunhvej miz baenz 2000 lai boux Cazanhyauz vunzlai ndang daenj buhvaq ngoenzciet daj gak aen yangh cin daej haenx, youq ndaw diuzgai yienhsingz gvaengxyouz. Ciep roengz-

daej baenzdauq hozdung couh youq ndaw gvangjangz iq vwnzva yienhsingz haimuq, gyoengq Yauzcuz beixnuengx yungh vah “lahgyah” caezciengq “go goengdaek”. Yienhciegz cawz le 《Cin Byayauz》《Cingz Rim Byayauz》daengj 18 diuz Yauzcuz yenzswngghdai gofoux biujyienj le, lij gawjhengz goengdaek yizsi hwnghoengh youh saenzmaed de.

(Cwnz Mungihoj/陈猛火 Cwnz Haijcingh/ 陈海清 Loz Haijdauh/ 罗海涛)

► Ciet goengdaek haiyienj yienhciegz.



▲ Gyoengq sausenhduiyenz caez langhyienj.


Nanzningz: Banh Ngoenz-laeb Sausenhdui Hozdung

南宁：举办少先队建队日活动

10 nyied 12 hauh banhaet, Nanzningz Si Sinhgingh Minzcuz Yozyau youq ngoenz geiqniemh Cungguek Saunenz Senhfungghdai laebbaenz 69 hopbi, haiguh le “ceng guh ndei duiyenz seizdaih moq— gou gyaez geizguek、geizdaih、hungzlingjinh” ngoenzlaebdaih hozdung.

Mbat hozdung neix neiyungz miz swng geizguek yizsi、youq laj geizguek hab’ ingj yizsi、gou gyaez hungzlingjinh langhyienj bingzbeij hozdung daengj. Doenggvaq mbat hozdung neix caenh’ itbough demgiengz cingsaenz funghmau sausenhduiyenz gag akmaenh gag guhcawj、gaenxmaenx byaijbae、gaenxhag caeuq ndangcangq doxhwnj.

(Liengz Manj/梁满 Lij Fung/李凤)



▲ Swng geizguek yizsi.

Dasinh: Yez Gvei Cehgenh Ruzgungz Bangcoh Ruzgungz Cingcinj

大新：粤桂扶贫车间助力精准扶贫

Gvangjdungh Swngj caeuq Dasinh Yen doxcaez aeu ndei bouj yaez youq Dasinh Yen lienzhab banh aen cehgenh Yez Gvei ruzgungz gyagoeng mohdozceh boiqgienth ndeu. 10 nyied 11 hauh gaenq anbaiz 50 boux cunhminz guhhong, gujsuenq lij ndaej daezhawj 500 lai aen gangjvei guhhong, saedyienh le cehgenh ruzgungz guhhong guh youq ndaw mbanj、ndaw segih, hawj cunhminz ndaej youq bakranz bonjfaenh guhhong, yienghneix mizyauq bangcoh hong vutgungz gunggeng.

(Liengz Gveivah/梁桂花 Vangz Danhdanh/黄丹丹)



▲ Gyoengq gunghyinz youq ndaw cehgenh ruzgungz guhhong.

Bingzloz: Lwgndae Gimhenj Dem Saek Seizcou

平乐：金黄柿子添秋色



▲ Dak lwgndae saekhenj lumj fuk doz dakcou nei.

Seizcou daej daengz le, Bingzloz Yen gyoengq nungzhoh dajndaem lwgndae haenx coux daej geiqciet fungsou, gyoengq vunzmbanj leihyungh dienheiq ndei dawz lwgndae sou ma haenx bok naeng le langhdak youq gwnz dingjranz、gwnz gyaq bakdou. Daj gwnz yawj roengzdaej, aen mbanj neix lumj bu caengz baengzcouz saek gimhenj ndeu, gyoebbaenz fuk “doz dakcou” hawj vunz sim’ angq ndeyawj he.

(Vangz Swzang/王滋创)